

**Talamdan sa  
Mga Mensahe alang sa Full-time Training  
sa Spring Term sa 2025**

-----

**LINANGKOB NGA HISGOTANAN:  
ANG MAHINUNG DANONG MGA PUNTO SA KAMATUORAN SA MGA SULAT NI PABLO—  
EFESO**

Mensahe 2

**Ang Pamatigayon sa Dios nga Gipadayag sa Basahon sa Efeso**

Basahong Kasulatan: Efe. 1:17; 2:22; 3:5, 16; 4:23; 5:18; 6:18

- I. Ang pamatigayon sa Dios (ang administrasyon Niya sa panimalay sumala sa gitinguha sa Iyang kasingkasing) nga gipadayag sa basahon sa Efeso matuman pinaagi sa paggamit sa atong nasagol nga espiritu aron ikapaambit ang Tulo-usang Dios kanato aron matukod ang iglesia nga Lawas ni Cristo—1 Tim. 1:3-6; Efe. 1:4-5, 17; 3:8-10; 1:10; 3:2; itandi sa 1 Tim. 3:9; Col. 2:2; Efe. 3:4; 5:32.**
- II. Nagpadayag ang matag capitulo sa Efeso sa nasagol nga espiritu (ang atong espiritu nga gipanganak pag-usab ug gipuy-an sa sinagol, malangkobon-sa-tanan, nahingpit nga Espiritu); kon moliso ta sa atong espiritu ug mogamit sa atong espiritu, makontak nato ang Lawas, kay naa man sa atong espiritu ang Lawas:**
- A. Gipadayag sa Efeso 1:17 nga mag-ampo gyod ta nga makabaton og espiritu sa kaalam ug pinadayag aron makakita sa misteryo sa pamatigayon sa Dios, nga mao ang pagpaambit kang Cristo nga misteryo sa Dios ngadto sa piniling katawhan sa Dios aron himoon silang realidad sa Lawas ni Cristo nga misteryo ni Cristo—v. 18; 3:9; 5:32; 6:19; Col. 2:2.
  - B. Gipadayag sa Efeso 2:22 nga ang atong espiritu mao ang puluy-anan sa Dios; “gitukod...[ta] pag-usa aron mahimong puluy-anan sa Dios diha sa espiritu.”
  - C. Gipadayag sa Efeso 3:5 nga ang nasagol nga espiritu ang palagianan sa pagpadayag sa pinadayag ni Cristo ug sa iglesia ngadto sa mga apostol ug mga propeta.
  - D. Gipadayag sa Efeso 3:16 nga ang atong espiritu mao ang atong tawo sa sulod, atong bag-ong persona, bag-ong espiritu, bag-ong tawo; mag-ampo gyod ta nga lig-onon ta Niya nganha sa tawo sa sulod aron matinuod ang kinabuhi sa Lawas, nga mao ang sulodnong pagsinati ni Cristo nga nagpuyo sa sulod nga kinabuhi aron mahimaya ang Dios diha sa iglesia—vv. 16-21.
  - E. Gipadayag sa Efeso 4:23 nga himoon natong espiritu sa atong salabotan ang Espiritung nagbag-o nga nasagol sa gipanganak pag-usab nga espiritu nato aron mabag-o ta adlaw-adlaw ug masama kabag-o sa Bag-ong Jerusalem aron matinuod ang Lawas ni Cristo nga bag-ong tawo—v. 24; Tito 3:5; 2 Cor. 4:16; Col. 3:10-11.
  - F. Gipadayag sa Efeso 5:18 nga magpapuno gyod ta sa nagpatahom, nag-andam-sa-pangasaw-onon nga Espiritu nga nasagol sa atong espiritu aron maandam ta nga mahimong mahimayaong iglesia ni Cristo, ang matahom nga pangasaw-onon Niya ug ang balay sa katahom sa Dios, aron mapadayag Siya—vv. 26-27; Isa. 60:7, 19; 62:3; Gen. 1:26.
  - G. Gipadayag sa Efeso 6:18 nga mag-ampo gyod ta sa tanang panahon diha sa atong espiritu aron makasinati sa Espiritung nagpatay nga nasagol sa atong espiritu; sa ingon niini mapatay ang tanang iya sa kabatok sa Dios sa sulod nato, nga makapahari nato diha sa diosnong kinabuhi sa Espiritu kang Satanas, sa sala, ug sa kamatayon aron makabuot ang Dios—vv. 17-18.

**III. Gipadayag sa matag capitulo sa Efeso nga ang pagpalugwa, pagkaanaa, pagtubo, pagtukod, ug pakig-away sa iglesia nga Lawas ni Cristo hinimo sa diosnong pamatigayon, nga gituman pinaagi sa pagpaambit sa Tulo-usang Dios nganha sa mga bahin sa Lawas ni Cristo:**

- A. Gipadayag sa Efeso 1 nga gipili ug gitudlong daan sa Dios Amahan kining mga bahina sa eternidad (vv. 3-6), gitubos sila sa Dios Anak (vv. 7-12), ug gitimbrehan sila sa Dios Espiritu, nga patinga (vv. 13-14), sa ingon niana gipaambit ang Iyang Kaugalingon sa Iyang mga magtutuo aron maporma ang iglesia, nga Lawas ni Cristo, ang kahupnganan Niya nga nagpuno sa tanan diha sa tanan (vv. 18-23).
- B. Gipakita sa Efeso 2 kanato nga diha sa Diosnong Trinidad makaduol na sa Dios Amahan ang tanang magtutuo, ma-Judio man o ma-Gentil, pinaagi sa Dios Anak, diha sa Dios Espiritu (v. 18); nagpakita kini nga dungang naanaa ug dungang nagpuy-anay sa usag usa ang tulo, bisan human sa tanang kahikayan sa pagpakatawo, pagkinabuhi ingog tawo, pagkalansang sa krus, ug pagkabanhaw.
- C. Naghisgot ang Efeso 3 sa pag-ampo sa apostol nga lig-onon unta sa Dios Amahan ang mga magtutuo pinaagi sa Dios Espiritu nganha sa tawo nila sa sulod, aron makabalay si Cristo, nga Dios Anak, sa ilang kasingkasing, sa ato pa, makaokupar sa tibuok nilang pagkatawo, aron mapuno sila ug mahimong tanang kahupnganan sa Dios (vv. 14-19); kini ang kinalabwang pagsinati ug pag-apil sa mga magtutuo sa Dios sa Iyang Diosnong Trinidad.
- D. Gipakita sa Efeso 4 ang pagkasagol sa nahikay nga Dios ingon nga Espiritu, Ginoo, ug Amahan sa Lawas ni Cristo (vv. 4-6) aron makasinati sa Diosnong Trinidad ang tanang bahin sa Lawas.
- E. Giawhag sa Efeso 5 ang mga magtutuo nga magdayeg sa Ginoo, sa Dios Anak, pinaagi sa mga alawiton sa Dios Espiritu, ug magpasalamat sa Dios Amahan sa ngalan sa atong Ginoong Jesucristo, sa Dios Anak (vv. 19-20); pagdayeg ug pagpasalamat kini sa nahikay nga Dios sa Diosnong Trinidad Niya aron makapahimulos ta Niya nga Tulo-usang Dios.
- F. Gitudloan ta sa Efeso 6 nga makig-away sa espirituhanong gubat pinaagi sa pagpagahom sa Ginoo, sa Dios Anak, pagsul-ob sa tibuok hinagiban sa Dios Amahan, ug pagkupot sa espada sa Dios Espiritu; kini ang pagsinati ug pagpahimulos nato sa Tulo-usang Dios bisan sa espirituhanong pagpakiggubat—vv. 10-11, 17.

**IV. Gipadayag sa matag capitulo sa Efeso ang misteryo sa Lawas ni Cristo nga organismo sa Tulo-usang Dios basi sa talagsaong panlantaw:**

- A. Gipadayag sa Efeso 1 nga ang Lawas ni Cristo maoy lugwa sa pagpaambit sa nahikay nga Trinidad ug sa pagpalatay sa labaw-sa-tanan nga Cristo—vv. 17-23:
  - 1. Ang pagpaambit sa Amahan sa pagpili ug pagtudlong daan Niya mosangpot sa daghang anak Niya nga balay diha sa pagbalaan—vv. 3-6.
  - 2. Ang pagpaambit sa Anak sa pagtubos ug pagluwas Niya mosangpot sa mga magtutuo nga panulundon sa Dios sa pagtransporma Niya—vv. 7-12.
  - 3. Ang pagpaambit sa Espiritu sa pagtimbre ug pagpasalig Niya mosangpot sa Dios nga panulundon sa mga magtutuo hangtod mahingpit sila—vv. 13-14.
  - 4. Ang pagpalatay sa labaw-sa-tanan nga Cristo sa pagbangon ug pagkayab Niya mosangpot sa Iyang Lawas nga pagpadayag Niya hangtod mahingpit ang mga magtutuo—vv. 19-23.
- B. Gipadayag sa Efeso 2 nga ang Lawas ni Cristo mao ang obra maestra sa Tulo-usang Dios nga mao ang bag-ong tawo—vv. 10, 15-16:
  - 1. Didto sa krus gilalang ni Cristo diha Niya ang bag-ong tawo sa pagwala Niya diha sa Iyang unod sa balaod sa mga sugo nga naa sa kabalaoran, ang tanang tulumanon o mga batasan sa pagkinabuhi ug pagsimba nga nakabahin sa katawhan—vv. 14-15.
  - 2. Giisip sa kalibotanong mga tawo nga tinubdan sa dungog ang mga kalainan sa kultura, apan diha sa Lawas ni Cristo nga usang bag-ong tawo wala na kanato kining dungoga; ang bugtong dungog nato karon mao si Cristo ug ang tinuod nga pagkausa—4:3-4a.

- C. Gipadayag sa Efeso 3 nga ang Lawas ni Cristo mao ang kahupnganan sa Tulo-usang Dios sa pagkasinangkapan nato sa kadato ni Cristo ug sa pagbalay ni Cristo sa atong kasingkasing—vv. 8, 14-19:
1. Dunay pamatigayon ang Dios nga magpaambit sa dili matugkad nga kadato ni Cristo nganhi sa atong pagkatawo aron mahimo tang kahupnganan Niya, pagpadayag Niya—vv. 2, 7-9, 19.
  2. Mag-ampo gyod ta adlaw-adlaw nga lig-onon ta nganha sa atong tawo sa sulod aron makabuhat ang Dios sa bugtong-talagsaong buhat Niya nga magtukod sa Iyang Kaugalingon diha ni Cristo nganhi sa atong kasingkasing aron mahimong tiunay nga pagkaumol nato alang sa masigka-puluy-anan sa Dios ug tawo—vv. 16-17; Juan 14:23.
- D. Gipadayag sa Efeso 4 nga ang Lawas ni Cristo mao ang panagsagol sa nahikay nga Tulo-usang Dios ug sa gipanganak pag-usab nga mga magtutuo ug nga gitukod kining usa ka Lawas sa usa ka pagpangalagad:
1. Ang usa ka Espiritu, usa ka Ginoo, ug usa ka Dios Amahan nasagol sa mga magtutuo ug nahimong usa ka persona aron mahimong organicong Lawas ni Cristo—vv. 4-6.
  2. Gitukod ang Lawas ni Cristo sa usa ka pagpangalagad, nga naghingpit nato aron motubo ta ngadto ni Cristo, nga Ulo, sa tanang butang ug mobuhat gikan Niya aron magsangkap sa Lawas aron matukod kini diha sa gugma—vv. 11-16.
- E. Gipadayag sa Efeso 5 nga hinimo ang Lawas ni Cristo sa mga anak sa kahayag nga mahimong pangasaw-onon ni Cristo aron matagbaw Siya:
1. Dili lang ta ngitngit kaniadto kondili ang kangitngit mismo kay nausa man ta ni Saanas; karon dili lang ta mga anak sa kahayag kondili ang kahayag mismo kay nausa man ta sa Dios diha sa Ginoo—v. 8; Mat. 5:14.
  2. Ingon nga mga anak sa kahayag, nga naggawi diha sa gugma ug kahayag, maandam ta aron mahimong mahimayaong pangasaw-onon ni Cristo pinaagi sa pagbalaan sa taghatag-og-kinabuhi nga Espiritu kanato, nga naghinlo nato pinaagi sa paghugas sa tubig nga naa sa pulong—Efe. 5:2, 8, 18, 26-27.
- F. Gipadayag sa Efeso 6 nga ang Lawas ni Cristo mao ang hiniusang mag-aaway sa Tulo-usang Dios aron mapildi ang kaaway sa Dios:
1. Dili iya sa tinagsang bahin ang espirituhanong pakig-away kondili iya sa Lawas; hiniusang mag-aaway ang iglesia nga Lawas, ug ang hiniusang mag-aaway ra ang makasul-ob sa tibuok hinagiban sa Dios—vv. 10-20; itandi sa Mat. 16:18.
  2. Ang pag-ampo mao ang bugtong-talagsaon ug kinahanglanon kaayong paagi nga ikaaplikar nato ang tibuok hinagiban sa Dios, maghimo sa tanang bahin sa hinagiban sa Dios nga magamit nato—Eph. 6:18.
- V. Busa, ang pamatigayon sa Dios nga gipadayag sa Efeso makita sa matag usa sa unom ka capitulo niini pinaagi sa tulo ka dagkong punto—(1) ang paggamit sa nasagol nga espiritu nato; (2) ang diosnong pagpaambit alang sa diosnong pamatigayon; ug (3) ang misteryo sa organicong Lawas ni Cristo (1 Tim. 1:3-6; Efe. 1:4-5; 3:8-10; 1:10; 3:2; itandi sa 1 Tim. 3:9; Col. 2:2; Efe. 3:4; 5:32); mahingpit kini sa kinahingpitang pagkausa, panagsagol, ug panagtagik sa Tulo-usang Dios ug sa gipanganak pag-usab, natransporma, ug nahimayang tawo nga may tulo ka bahin (Bug. 21:2, 9b-11) aron mahimo tang Bag-ong Jerusalem alang sa himaya ug katahom sa Dios (Isa. 60:19, 21; 43:7).**